

Oqaluuserisassanut nassuiaat
(Inatsisartut Siulittaasuat)

Immikkoortoq 193-ip aappassaaneernejarnissaata pingajussaaneernejarnissaatalu kinguartinneqarnissaat Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap qinnutigaa, taannalu tassaavoq:

Uunga siunnersuut: Ilinniarnertuunngorniartarnej pillugu Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2020-meersoq.

Immikkoortoq maanna ulloq 10. november aappassaaniigassanngortinneqarpoq ullorlu 17. november pingajussaaniigassanngortinneqarluni.

Ulloq 27. Oktober ataatsimiinnermi immikkoortoq 118 aamma 180 kukkusoqarneratigut ataatsimiititaliamut suliarineqartussanngorlugit innersuunneqanngitsoorput, naak tamanna amerlanerussuteqarfiugaluartoq.

Immikkoortut soraarnerussutisiaqalernissamut tunngapput suliassaqarfillu taanna Ilaqtariinnermut Peqqissutsimullu Ataatsimiititaliap ataaniippoq, taamaalilluni ataatsimiititaliaq tassaavoq siunnersuutini suliarinniffissaq.

Immikkoortoq 118: Utoqqalinersiaqarnej pillugu Inatsisartut inatsisaannik nr. 20, 23. november 2015-meersumik UPA2021-imut allanngortitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni pisortanit utoqqalinersianik pisartagaqarsinnaaneq 66-inik ukioqalernermit pisussanngorlugu allanngortinneqarluni

Immikkoortoq 180: Kalaallit Nunaanni utoqqalinermi pensionisiat tunngaviusumik aningaasartaata Qallunaat Nunaanni utoqqalinermi pensionisiat tunngaviusumik aningaasartaannut Qallunaat Nunaannilu soraarnerussutisiamik aqqissuussinerup nalimmassarnissaanut Naalakkersuisut UKA2021-mi siunnersuummik saqqummiusseqqullugit peqquneqarnissaat pillugu Inatsisartuni aalajangiiffigisassatut siunnersuut.

Immikkoortoq 86 ullumi oqaluuserineqartussaagaluartoq kinguartinneqarpoq ullorlu suliarineqarfissaa nutaaq kingusinnerusukkut nalunaarutigineqarumaarpoq.

Immikkoortoq 86: Meeqqat atuarianni ilinniartitsisut sulisullu allat tapersersuilluni oqaloqatigineqartarnissamik neqeroorfigineqartalernissaannut periarfissanik aamma aningaasatigut allaffissornikkullu kingunissaanik paasinartitsilersussamik nassuiaammik saqqummiinnissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Neqeroorutit imatut aqqissuunneqassapput

tapersersuilluni oqaloqatiginninnerit sakkortuumik pisoqarnerata
misigisaqartoqarnerataluunniit kingorna tarnikkut ikiueqqaarnerusunngorlugit aammalu
psykologimi katsorsaasumiluunniit allami piffissami sivisuumi tapersersuilluni
oqaloqatiginnittarnerussapput. Tapersersuilluni oqaloqatigineqarnissamik neqeroorutit
aamma oqaloqatigiilluni peqqissaasarnerussapput, siunnersuisarnerussapput il.il.

Ilaasortat uku akornanni taasisarnerit pillugit isumaqatigiissuteqartoqarpoq:

Sofia Geisler, Inuit Ataqatigiit aamma Doris J. Jensen, Siumut

Tillie Martinussen, Suleqatigiissitsisut aamma Kim Kielsen, Siumut